



CHINESE - JAPANESE LIBRARY OF
HARVARD - YENCHING INSTITUTE
67 HARVARD UNIVERSITY
JAN 15 1940

T 3140/2332.81

3.



1

101

州志卷之八

人物志第八

大儒一人

漢董仲舒廣川人也少治春秋孝景時爲博士下
帷講誦三年不窺園學士皆師尊之武帝卽位
舉賢良文學之士仲舒以賢良對策天子覽而
異焉以爲江都相事易王易王素驕仲舒以禮
誼匡正王敬重焉中廢爲中大夫仲舒爲人廉
直以公孫弘爲從諛弘嫉之言於上使爲膠西

哈佛大學漢和
圖書館珍藏印

王相膠西王尤縱恣聞仲舒大儒善待之凡相
兩國事驕王數上疏諫爭教令國中所居而治
及病免家居不問產業以著書爲事朝廷有大
議使使者就其家而問之後以壽終徙家茂陵
子孫皆以學至大官仲舒所著皆推明孔氏抑
黜百家上疏條教凡百二十三篇所說春秋玉
杯繁露清明竹林之屬復數十篇皆傳於後世
按史記漢書皆云仲舒廣川人廣川爲今之景
州與州境相錯而讀書之墓在州城內後漢書志敘
之列

歷代先賢五十二人

後漢禮震平原人光武時大司徒歐陽歙坐汝南
臧罪下獄諸生守闕爲歙求哀者千餘人至有
自髡剔者震年十七聞之馳之京師自繫上書
求貸歙死書奏而歙已死獄中光武覽書誼之
因復歙官贈卹甚厚

高詡字季回平原般

僕臚反音盤

人曾祖嘉以魯詩

授元帝仕至上谷太守父容少傳嘉學哀平中
爲光祿大夫詡以父任爲郎中世傳魯詩以信

行清操著名王莽篡父子稱盲逃不仕光武即
位大司空宋弘薦詔爲郎除符離長去官後爲
博士建武中拜司農卿在朝以方正稱卒賜錢
及冢田

魏管輅字公明平原人年八九歲便喜仰視星辰
夜不肯寐父母禁之不能止常云家鷄野鶴猶
尚知時况於人乎所言禍福及所著卜筮書皆
奇驗而志行不常有古君子之風此特其寄云
晉華軼字彥夏平原人魏太尉歆之曾孫少有才

氣汎愛博納衆論美之初爲博士累遷散騎常
侍永嘉中拜振威將軍江州刺史甚有威惠時
天子孤危四方羗解軼有匡濟之志每遣朝貢
入洛不失臣節時洛都不守以不奉元帝教命
爲王敦所攻衆潰遇害

南齊劉懷珍字道玉陵縣人漢膠東康王寄之後
也其先劉植爲平原太守因家焉幼隨祖奉伯
至壽陽豫州刺史趙伯符出獵百姓聚觀懷珍
獨避不視奉伯異之後爲驃騎長史累官至光

德少元 卷之八
祿大夫卒謚敬侯

劉懷慰字彥恭懷珍從弟也父乘仁爲冀州刺史死于義懷慰持喪不食醢醬冬月不用絮衣仕宋爲尚書別駕郎齊國建高帝置齊郡于瓜步以懷慰爲護國將軍齊郡太守修城朝墾廢田決沈湖不受饋遺既卒明帝謂僕射徐孝嗣曰劉懷慰若在朝廷不憂無青史也

劉歊字士光平原人本名冉祖勳宋司空父繪武帝霸府從事中郎歊幼有識慧博學有文才

不娶不仕與族弟訂並隱居請書奉母兄以孝梯稱親意有所須口未及言歊已先知手自營奉母常疾篤夢歊進藥翌日有闕誠感如此沙門寶誌遇歊于興皇寺驚起而言隱居求志清淨登仙者三天監中著革命論以爲形者無知之質神者有知之性有知不獨存彼無知以立故形之於神逆旅之館耳及其死也神去此館遽朽得理是以子羽沈川漢伯方壑文楚黃壤士安麻索此四子者得理也若從四子而遊則

生平之志得矣。既而寢疾，恐貽母憂，乃自言笑，勉進湯藥。及卒，謚曰貞節處士。訐有至性。七歲，父母繼喪，哭泣幾至滅性。與敵友愛，甚至其貧，不仕。張稷辟之，檄至，掛於樹而去。先歿，卒，歿哀之，著悲友賦，謚爲元貞處士。

梁明山賓，字希若，平原人。七歲能言，名理十三，博通經傳。梁高祖引爲相府參軍，梁臺建爲駕部郎。累遷至黃門侍郎、司農卿。散騎常侍，領青冀二州。大中正，東宮新置文學，又以山賓居之。

山賓在州，所部平陸縣不稔，令出倉米賑人。後刺史檢簿書，以耗闕，由山賓籍其宅入官。山賓默然不自理，輒徙居。昭明太子築室延之，不就。下令美之，并贈以詩。山賓家素貧乏，貨所乘牛。旣售，乃謂曰：「此牛經患蹄漏，治差已久，恐後發，無容不相語。」買者遠追錢去。隱士阮孝緒聞之，歎曰：「此言足還淳反朴，激薄儆澆矣。」大通元年卒，年八十五。詔贈侍中、信威將軍，謚曰質子。昭明太子爲舉哀，賻錢十萬，布百疋，并使舍人王

德州志 卷之八
顯護其喪

後魏司徒陸麗平原人秘書陳竒爲游雅所陷屬麗讞訊麗惜其才學自度力不能拔遷延其獄經年冀得寬宥獄成上意不回竒竟致大戮北齊張買奴平原人經義該博門徒千餘人諸儒咸推重之仕齊歷太學博士國子助教

唐高馮字季輔平原人貞觀初遷中書舍人太宗賜以鍾乳粉曰汝進藥石之言朕以藥石相報遷吏部侍郎善叙人物帝賜以金背鏡以况其

精鑑遷中書令進爵莒國公謚曰憲

高冰渤海人馮之後貞元中進士以家託鄆故李師古辟署判官師道據十二州反冰引古今成敗勸說不能入斥守濮州冰乃上書誇山東煮海之饒師道之謀悉露遂怒殺之及師道平贈冰吏部尚書

孟簡字幾道德州人工詞尚節義舉進士宏詞累遷倉部員外以不附王叔文覓疾徙爲宅曹元和中拜諫議大夫知匭事韓太韓暴之復刺

史吐突承襲爲招討使簡皆因爭請延英言不可狀以悻切出爲常州刺史境有孟瀆久淤闕簡治導漑田凡四千頃以勞賜金紫召爲給事中拜工部侍郎未幾出爲山南道節度使被劾左遷太子賓客卒

宋張雍字

德州安德縣人治毛詩開寶六年

中第釋褐東關尉改將作監丞知南雄州遷太子右贊善大夫知開封府司錄參軍俄爲秘書丞充推官以誣坐王元吉毒母獄免官雍熙初

復原官進御史臺推官端拱初累遷太府少卿

加諫議大夫出爲西川轉運使知梓州蜀寇王

小波李順作亂圍梓州雍嬰城固守設智屢摧

敵鋒八十日圍始解上手詔褒美擢給事中改

工部侍郎轉禮戶兵三部侍郎數歷中外大中

祥符元年請老以尚書右丞致仕年七十卒雍

姿貌魯朴始登科爲滕中正壻中正諸子咸笑

之中正曰此人異日必顯達壽考非汝等所及

也後中正諸子官不越郎署亦無耆年如其言

云

單煦字孟陽平原人舉進士知洛陽縣轉知昌
州時詔城蜀治煦以蜀地負山帶河一旦毀籬
垣而興版築其費巨萬非民力所堪請但築子
城轉運使卽移諸郡如其議徙清平軍使有二
盜殺人捕治不承煦縱使之食甲食之既乙不
下咽執而訊之果殺人者爲御史臺推直官江
南人誣轉運使呂昌齡以賄勅煦往治煦不肯
阿其長直昌齡累官光祿卿卒年七十七煦友

愛兄縣常毆人至水未有知者煦曰家貧親老
仲兄以養義當代死卽趨闕待捕已而死者甦
驚問之煦以情告世人感歎遂輟訟

元孟泌德州人登至順間進士官至翰林檢討
明朱性洪武中以貢入國學嘗代所知草疏上竒
其文召見除刑部主事治獄多平反署本部右
侍郎出爲湖廣按察司副使調陝西永樂初陞
四川右叅政差馬湖監採大木山谿紆阻所需
工費億萬士人憂不堪命性齋禱于天水忽暴

至木自嶠中漂出。土人驚以爲神，建祠祀之。進
行在刑部右侍郎，隨征北，至提虎山饋餉乏匱，
謀合廟算，加尙書俸，賜馬蹄金二錠。所至號爲
廉能，因病告歸，被讒抄沒家無餘資，惟馬蹄金
在焉。上知其廉，賜地十頃，免其租，並闢戶差徭。
仍復其官，竟辭不起。成化間，詔祀學宮。子於少
穎敏，或不名，臣奏議百餘首，讀之輒焚其稿，或
駭愕於默抄不差一字，足跡不入州府，隱居終
身，以恬淡見稱。

上復善，大都人前元進士，避亂德水，遂家焉。洪
武中以明經聘爲濟南府學訓導，陞大名縣學
教諭。分較秋闈者四，庚午山東，癸酉北平，丙子
河南，巳卯復北平，號稱得士。永樂二年告老，賜
璽書褒之，卒於家。

劉盛字宗茂，江西贛縣人，游學寓德州，初從鄉
先生劉媯謙受經，苦志於學，遂成碩儒，質朴淡
泊，隱居不仕，自號無辯野人。弟子登科甲者相
繼，二子皆中鄉試。長子羽，瑞州府通判；次子恩

蘭谿縣知縣有書說遺稿并詩集行於世
鮑雲鳳少以奇童稱精究百家以至天文地理
推驗如神隱居終身不仕號曰雲岑先生子璉
中景泰庚午鄉試亦不令其仕

張惠永樂間任監察御史巡按雲南有御史張
善以蛇妖病卧池口馴惠在視留治湯藥頃之妖
蛇挾風雨而至惠射之風雨止而蛇匿於樹令
隸取席於樹下焚之良久蛇墜善病乃已過沅
陵見居民延燒數百家皆云有惡鳥啣火即爲

文徵滅墮神翌日惡鳥投死於江奉詔招安諸
蠻按浙江處州民聚爲盜惠皆撫安之拜禮部
尚書天順三年卒于官惠初舉于鄉卽葬其祖
墓之暴露者已貴歸里必謁先師廟至墓親持
鍤修治居於墓次席地而食嘗言曰吾祖父在
地下吾安忍享人生奉養乎君子以爲難

焦顯景泰甲戌進士授湖廣道監察御史巡視
紫荆等關威名大著按四川蕃賊出沒顯布宣
恩威地方賴以無虞委勘皇庄悉以其田歸原

王貴戚憚之後以言事過激降紅城子驛丞都御史馬文升薦之歷陞彰德府知府

張海字文淵天順己卯鄉試第一丙戌進士爲吏科都給事中豪邁有氣節陞順天府丞特汪直用事海以公事往見不屈出知雲南鶴慶府累陞兵部侍郎賜璽書命往經畧哈密海條上六事至甘州遣使賫勅諭阿黑麻歸陝巴不從上疏言遠方不可加兵來則撫之去則拒絕之而已得命修嘉峪關捕通阿黑麻鬩爨數十人

分別誅遣遂全師還上以其無成下之獄降山西叅政踰年卒有詩稿藏於家

鄒祥成化辛丑進士初授南宮知縣時尙嚴刻祥獨寬厚陞高郵知州州多富豪吏舞文法祥訪爲民害者數人置之法境內肅然陞戶部員外奉勅收上新河淮安料鈔釐革夙弊陞郎中謝病歸不復出

趙淮以書筭克布政司都吏役滿考戶部都吏精於會計却私饋有以金遺者輒首之堂京師

稱爲廉吏弘治間授騰驤衛經歷歷嘉定瀘州
二州同知俱祀名宦陞保寧府通判吏部尙書
桂萼書可羨二字贈之陞重慶府同知改烏撒
軍民府同知到官三月而卒准自歷官三十餘
年欽賜銀幣者二薦舉一十九獎厲四十三至
今鄉人稱爲趙清吏云

袁擴弘治乙丑進士授大理寺寺正陞南陽府
知府考最爲天下第一陞陝西按察使詔褒之
陞應天府尹推都察院右副都御史巡撫陝西

未之任卒瀕居官剛正不畏權貴所至皆歛手
避之又平生廉苦未嘗衣帛食肉士論以此多
之孫勿嘉靖間以門功爲趙城平山知縣廉幹
有乃祖風霍州盜起及西賊大舉內犯勿防禦
有法百姓以安致仕歸卒於家

鄒願賢正德癸酉舉人初授新鄉知縣土瘠路
衝一切省嗇以紓民困遇旱先賑而後請罪邑
人感之爲立祠調陽城陞平涼府通判致政歸
村居不入公府以詩酒自娛所著有蘆南集

石倫景泰庚午舉人授無極知縣邑多逃徙倫
招來撫字歸者以千計賑貧興學無極大治陞
忻州知州尋卒

葉洪字子源德州衛人嘉靖己丑進士授戶科
給事中陞工科右給事中性剛毅遇事敢言彈
劾不避權貴疏凡數十上所言皆軍國大事具
載世宗寔錄又疏請改德左二衛學附山東鄉
試諸生便之亡何論奸相銓宰專權納賄竟爲
中傷癸巳考察謫寧國縣丞尋罷官歸有先人

遺田百畝在西河上結廬其中人莫得窺其面
臺省撫按交章薦洪弘才淵學盡節正氣坐宜
召用竟格於舊例而止平生獎拔士類孜孜如
不及自莊及老竟日危坐儼若神明年七十五
無疾而卒孫敬愿萬曆壬辰進士樂亭知縣

王進賢字公選正德己卯舉人性好學居廢寺
中教授生徒躬行古道動依禮法弟子成立者
甚衆選沁水知縣民貧且悍號稱難治進賢以
寔心行政均徭薄賦息訟興學縣中大治會天

德州志 卷之八
旱禱雨徒步烈日中得病遂卒後二十餘年沁水民爲建祠於邑之端氏鎮

盧宗哲字濬鄉德州衛人其先家涑水中嘉靖乙未進士上親試庶吉士得三十人宗哲居首授翰林院簡討陞南國子監司業考滿嚴分宜欲籠致之宗哲曰某來考績不來講遷官也乃以爲南尚寶徙通議居三年召爲太常提督四譯館擢南太僕計馬蕃息寺有贖金三千或謂例應納笑曰豈有懷金慮濬鄉哉入爲光祿

故事上供不時予賈人值往往破產宗哲悉發羨金償之久之推戶部侍郎分宜居中不報請告歸偃臥舊居故人來則彈碁酌酒終不請謁上官年七十卒爲諸生時天津故有節帥過之見宗哲剋傲請以新剋易公爲座上一着罷酒仍着故剋而去其介如此後罷光祿發橐中裝餘四十金召子茂示之曰此吾二十年宦裝可受之茂亦以清勤著聲官至歸德府通判程珪字子彬德州左衛人其先本掖縣人父賢

爲人沈雅剛毅慷慨好施爲鄉里所重珪以嘉
靖壬辰進士授懷慶府推官廉介明決庭無留
牘遷兵部武庫司主事歷陞尙寶鄉與袁州胄
子同列以守正不阿左遷戶部主事歷四川陝
西浙江廣東叅議副使山西按察使江西右布
政使所至鋤強扶弱奸胥猾吏望風屏跡居鄉
不營利不請託嘗有懷金乞一刺者立斥之去
門庭寂然勤儉修業至老弗易居第後築一精
舍歲日無懈日誦讀徧行其中寒暑不輟尤喜

成就後學年八十六終所著有右丞稿行於世
劉倌嘉靖乙未進士歷官冀北道山西叅議所
至多有聲績生平不爲請託生殖置義田二百
畝以贍族之貧者鄉人稱之

張子順字聚甫別號礪庵德州左衛世襲千戶
嘉靖癸卯以麟經薦省元甲辰成進士授戶部
主事會計允當以賢能著名於時督餉晉陽不
假催科軍需悉脩暇則與諸生講學義理淵微
詞藻雄渾人才各有成就因而從遊者甚衆後

德州志 卷之八
值大同有警咸寧侯仇鸞統師在禦鸞悍鷲貪
暴屬公主餉或謂宜加禮而厚遺之公不顧接
待如常及鸞事敗人咸服其有遠識陞潞安知
府三年陞密雲兵備道副使荆川唐公經畧邊
務雅重其德器云

魏汝松德州左衛人嘉靖戊午舉人授湯陰知
縣歲饑捐俸賑粟施藥全活數萬潞邸之國道
經湯陰民皆患之汝松獨調劑民不稱厲擢知
均州均例僉報馬戶里甲因緣爲市汝松力爲

剗革百姓便之甫一年解組歸

謝廷策字正甫德州衛人萬曆己丑進士是歲
當館選有欲爲介紹者公遜謝曰某甫任何敢
擇官竟不往比謁選銓曹乃得縣令除陝西高
陵至縣諮吏治因革民所疾苦手自劑量定爲
條鞭法以四季輸官民大稱便前後開釋疑獄
甚多及條便宜若干事行之居五年以廉能聞
徵拜御史時上深居禁中朝講久虛諸臣多以
言蒙譴廷策入臺三月卽上疏引周宣王晏朝

姜后脫簪及宋仁宗從趙抃之請召還唐介等
 故事以諫忤旨降一級調外都御史袁貞吉等
 連章申救再謫懷仁縣典史歸里丁母憂哀毀
 得疾卒泰昌初贈光祿寺少卿廷策為人孝友
 清介卒之日囊無一金子陞字伊晉萬曆丁未
 進士官至光祿大夫左柱國少傅兼太子太傅
 吏部尚書建極殿大學士

大清初徵拜為左柱國內院大學士少傅兼太子太
 傅吏部尚書卒于官贈太師謚清義

附載疏章
浙江道誌

臨察御史臣謝廷策謹題為朝講久虛直臣久
 廢先經輔臣疏請已蒙皇上俞從懇乞及時修
 舉以光聖德以永令名事臣於春二月內行取
 抵京接邸報見大學士陳于陛一本為恭勅愚
 衷按陳時政之要懇乞聖明采納以光治理事
 首稱接見大臣錄用人才為言甚悉奉聖旨覽
 卿奏具見愛君忠猷謀國遠慮關朕躬及錄用
 人才的朕已知道了其餘着該部看議來說欽
 此舉朝大小臣工莫不鼓舞惟忻誦皇上有從
 諫之明又莫不翹首頓膝而望皇上旦暮行之
 以為太平美政何今時已滿三月矣而朝見之
 期竟未一出以言得罪之臣亦未聞有一憐而
 錄之者臣愚不勝大惑孔子論聽言之道曰法
 語之言能無從乎改之為貴與與之言能無悅
 乎繹之為貴輔臣于陛之疏豈不稱法與兩條
 哉皇上諒其為愛君獎其為忠猷又論之以知
 道亦可謂從而悅之矣獨計所謂知道者非徒
 知之而已也知其言為忠愛而不用其言以行

事在皇上不得受其言之益在輔臣不得盡其言之忠在天下後世又得以不改不釋而議其後謂聖德何謂聖名何臣固願皇上熟思而急圖之也敢以往事為證可乎臣聞周宣王嘗晏起姜后脫簪珥待罪於永巷使其傅母通言於王曰王樂色而忘德失禮而晏起亂之失自婢子始敢請罪王自是勤於政事早朝晏罷卒成中興之名而姜后亦有聲於後世皇上御極視周宣王何如也聰明睿知其過之也遠甚勵精圖治其過之也亦遠甚惟靜攝以來朝講中輟輔臣至終歲不能以再覲天顏而奉清問竊恐官府漸隔而煬竈之患隨之矣皇上誠釋輔臣之言慨然申定朝規或朔望之必出或祭告之必親時召大臣商確政務即不能復常朝之規而一月再臨亦不為數即不能復日講之舊而便殿賜問亦不為勞君臣意氣洽於泰交國是紛紜定於面次萬代瞻仰在此一舉天下後世行將歌誦聖天子之舉動於不朽而周宣王何

敢墜下風也臣又聞宋仁宗時唐介幾危臣景初與中復蔡襄吳奎韓絳等數十人皆以直言謫外殿中待御趙抃進言曰近日正人端士紛紛引去者以正色立朝不能諂事權要傷之者衆耳仁宗允其言諸臣悉令召還由是嘉祐之治有聲宋室榮華至今皇上御極視宋仁宗何如也文武聖神其過之也遠甚君子滿朝其過之也又遠甚惟邇年以來諸臣任事過銳進言過激直遂慙懣不能無罪皇上震怒譴責貶削前後百十餘人此百十餘人者品格未必相同而今皆以氣節名世倘一槩鋼之終身是明予諸臣以名而暗貶國家以失人之害非便計也皇上誠釋輔臣之言慨然勅下吏部察諸臣中言雖過激而心則無他者幾人事雖執拘而心本為公者幾人各疏名上請斷自聖裁即未必盡行召還或間一簡拔以究其用亦未必盡復原職或別行推補以盡其才用不測之威以懲創於前又用不測之恩以甄別於後顛倒豪傑

莫知端倪天下後世行將宣揚大聖人之作用於不窮而宋仁宗何能彷彿萬一也此二事者諸臣言之多留中不報報輒忿怒輔臣言之幸家嘉納納之又未慨行此臣之所以不勝款款之愚為皇上再言之也臣初試為御史豈不知苟祿可以容身當國家多事之時又豈不能彈摘一二以塞責惟君德為萬化之原而人才係社稷之計時方修正史以信萬世而皇上之注念猷為又皇上之令聞承譽所係臣何忍以此二事坐聽流播四方傳宣來襁為聖德累為令名損哉此臣之所以不勝款款之愚不得不為皇上申言之也臣不識忌諱感時激衷輒冒尊嚴以抒下忱倘蒙聖明采納施行太平無疆之福端在是矣臣無任惶悚待命之至萬曆二十二年五月初八日奉聖旨朕怒近來小臣欺君背公鈞朋謀附合沽名釣譽故每量其輕重處謝廷策這厥既知有責待自有定奪今及瑣詞窺探市恩賣直好生可惡本當治罪

輕着降一級調外任用不
李朦龐推陞吏部知道

蓋梁字江本陵縣人祖汪從軍有功授德州

衛千戶遂以官為家梁中萬曆癸酉科舉人除

茶陵州知州陞鞏昌府同知治崑州以軍功欽

賜銀幣致仕歸兩處皆有特祠崇祀自為諸生

及舉孝廉一切外事皆不與聞惟開館講誦一

時名士如叅議楊公櫝知府宋公鴻儒及他有

聲者皆出其門下天性孝友父母歿兄弟終身

同爨其少時往見先達下公永成丁公曰子聖

賢路上人異日且爲生民造福後其言併驗人
以丁公有人倫鑑云

魏綱德州左衛人嘉靖甲午舉人授大谷知縣
以清幹見稱丙午分較山西所取皆知名士以
親老致仕歸里居讀書足跡不入州府有山東
督糧道爲分闈時所取士見綱居貧以三百金
爲壽綱曰幸有簿田足以餬口無需此卒却之
年八十六卒

李逢時字化甫德州衛人嘉靖甲辰進士起家

行人選湖廣道監察御史聲著臺班按宣大風

采嶽嶽按徐淮大盜李子強聚衆流劫傳檄勦

捕不踰月盜平以保禦功賜金論賞師尚詔煽

動江淮逢時馳赴鳳陽調度賊覘知有備遁去

外補湖廣憲副值漢水數溢殫力隄防又會建

明堂採木嚴急逢時務爲寬恤事亦立辦陞叅

政仍守荆南陞山西按察使左右方伯備悉宗

民疾苦出納兩平廩祿均給人情翕然致仕卒

于家子汝材萬曆癸酉舉人洪洞知縣汝棟隆

慶庚午舉人汝棟曾孫允禎崇禎癸酉舉人有傳

程紹字公業德州衛人父訥字季敏爲諸生剛方直諫以子貴累封工部右侍郎通議大夫林泉自娛風味脩然年八十六自製墓銘端坐而逝紹中萬曆己丑進士除汝寧府推官廉明仁恕多所平反擢戶科給事中白簡屢上皆彈劾執政私人與挾搃其票擬躋駁執政心銜之曠院之使奏逮有司旁午道路紹再三抗論上優

容之山西礦使劾知縣韓薰紹特疏申埋遂除名爲民家居奉親二十餘年光宗御極起太僕寺卿推都察院右副都御史巡撫河南精心吏治凡所施滉不踰漏刻櫛垢爬痒若民自爲中州承平日久兵馬芻糧司吏窟穴其中紹一切按覈討軍寔而申儆之儀封宗人爲盜囊橐淫虐彰聞莫敢呵問紹乃列上罪狀詔發高墻諸宗惕息相戒莫敢犯歸德汝寧彰德間群盜煽動相繼撲滅會玉璽出臨漳上言國之所寶在

賢臣因薦鄒元標馮從吾等特請公方以門戶
 得罪疏上觸權奄怒遣訶事人至汴久之無所
 得乃嗾御史論紹借題援引門戶諸臣紹遂移
 疾歸德州議建魏忠賢祠紹率諸紳士力拒不
 可崇禎中起工部右侍郎以罪至乞休得請卒
 於家子震江西驛傳道僉事泰建昌府通判有
 傳附載疏章巡撫河南都察院右副都御史臣
 程紹題為玉璽偶出河畔先具奏聞併抒愚
 悃懇祈聖明不貴異物登庸真寶以圖萬世治
 安中據河南布政使司呈等因到臣臣謹按史
 書六國得楚卞和氏辨命廷尉李斯篆文
 詔壽刻之文曰父命於天既壽永昌建漢

以電相襲為傳國璽至永嘉後沒於劉石遂不
 可復得暨宋元符元元貞之朝段義翟朝宗崔
 國揚恒之徒迎合寧宗附會太妃假手為偽接
 踵相愚見於李微之楊慎所辨駁者班班可考
 鏡也蓋秦璽之不足徵久矣今據河北道臣張
 慶鯨呈稱漳河之濱得玉璽一顆親齎至汴臣
 諦觀審視方稜無缺依然全璧聞璽至漢平世
 已缺一角知此斷非秦璽至渾龐瑩潔精光內
 藏應是數百年舊物一旦風送水滄湧出河岸
 恭誦篆文八字誠萬年天子之吉祥嘉兆也臣
 以紀載所傳聞寔有不在此者昔王孫圉不寶
 白珩而寶觀射父之作訓辭及左史倚相之獻
 善政於寡君齊威不寶照乘珠而寶照千里之
 四臣彼叔季侯王寶得其實因是猶能名顯列
 國聲施來茲斯足述耳今聖主惜才賜環拔滯
 固宜哲人布列野無留良尚有一代名臣如總
 憲鄒元標馮從吾尚書王紀周嘉謨盛以弘孫
 慎行鍾羽正余懋衡侍郎曹于汴等沉淪丘壑

空賦白駒不及今大用人壽幾何又有一斥不
還之詞林久錮不起之臺諫此皆王國禎祥盛
朝珍寶臣不能挽回天聽汲致明廷乃僅僅執
一古靈光效七十二代之故事臣寔羞之惟是
玉璽之出適在臣封疆之內事屬曠異道路諠
傳郵亭驛使恐有聞之禁闈者既不應還塵地
下又不敢私秘人問欲議委的當官員捧進殿
闕跡涉貢媚亦非臣誼所宜然似應少緩須臾
恭俟皇上之命至璽之世代篆之工拙俱非臣
所敢知也臣迂且固愧不能歌天保之九如效
率封之三祝惟竊自附於尊君好君之義謹會
同巡按河南監察御史楊方盛先具奏聞伏望
皇上達觀永命之真符不在偶獲之舊寶怡神
寡欲親賢納諫在朝之忠直勿事虛拘遺野之
名流急為登進庶玉璣瑟於清廟瑚璉貢於明
堂藹藹古人維天子使其襲大器永固金甌雖
謂虞舜之黃璽夏禹之玄圭至今存可也區區
傳國寶不足貴矣况未必真乎拜手颺言鞠躬

待命臣等不勝惶恐屏營之至天啟四年九月
二十五日具題奉聖旨寶璽既出自當登於內
府著萬壽節進表
官齋進禮部知道

郝沂字魯泉德州衛人性好讀書家貧不能得
書乃日夜手鈔不避寒暑幾數百卷南克黃公
輝極敬之晚年以歲貢授紫陽知縣為令二載
家無擔石焉初州人程公紹任戶垣時沂在邸
中與黃公交莫逆官定後黃公寓書與程公謂
魯泉學貫天人僅使得一紫陽令此吾輩之責
也其推重如此

金煉字伯精德州衛人父世臣字汝勲以歲貢
爲滄州訓導擢山西廣昌知縣邑小而衝冠蓋
往來疲累不支世臣悉心經理容無留行民俗
素悍每睚眦自殺以傾仇家世臣讞決得情民
咸革面以子貴奏封去官煉中萬曆丁未進士
授戶部主事督楚漕司延餉輓輸以時賜金增
俸拜河南叅政陞按察使再陞江西右布政兩
院請以新秩留煉在中州五年執法不阿風采
嶽立擒賊禹鄭間妖人劉顯吾王撫民劇盜馬

一騰等上特書屏紀勲構象左伯全豫所輸上
金錢第令輸者自衡中程則給符亟遣去人咸
便之闢書院課諸生甚勤禹州始有登解首者
連丁二艱起補陝西平涼多朱邸難治煉彈壓
肅然宗民帖息俘斬流賊王天壽馬角腦等固
原軍謀擒首惡十三人誅之指麾而定以病乞
骸骨歸居家孝友廉靜無門疏近皆有恩紀敷
歷中外二十三年却苞苴斥厨傳朝夕所給俱
平直市之民間所至以治績聞卒年七十一崇

祀鄉賢祠于壽祖以貢生任池州府通判

李誠明字思白本商河人自其祖始遷于德父

大華萬曆癸酉舉人武強知縣治行清介秉性

剛方縣有巨室誣七人死撫膺自矢不肯殺人

婦人竟平反卽以此棄官歸卒年八十二誠明

中萬曆甲午舉人博極群書以至天文地理戰

陣推步術數之學無不通曉皆有獨解與世俗

所守師說不同而內行純脩孝友過人冰心鐵

骨一介不取登賢書四十年未嘗一字干州府

長吏莫不愛敬之天啟間閣輔朱延禧薦爲中

書舍人不就魏忠賢竊柄遣人以厚幣聘之託

病固辭不赴及忠賢敗士大夫益推重之十上

公車數奇未得一第抗志不仕以讀書終其身

年逾五十獨居東村別墅建一亭椽楹瓦甍俱

從方額曰矩亭朝夕觴詠其中又十餘年卒詩

文典雅學者稱爲泰雲先生崇祀鄉賢祠弟讚

明崇禎庚辰進士歷陞山西驛傳道僉事子源

大清順治丙戌進士

州人盧世淮哭李泰雲先生詩
生先論交有歲年今朝揮淚問

蒼天悲涼吾黨思前輩錯莫人倫失古賢秦岱
雲收餘賦草小山桂老罷詩篇清真寡欲如元
澹博雅多才似鄭虔行業推尊高士里擊稱藉
甚孝廉船飄蕭白髮青衫映窈窕玄心終字詮
十上公車神却王重磨老劍志彌堅正期結撰
歲名岳何遽乘箕逐逝川繫我孤踪常冷落先
主折節獨周旋會文探討偏尋險放酒顛唐恰
愛顛行輩不拘常爾汝襟懷相賞共餐眠看花
直就花茵坐喜雨頻將雨具拳側理陰糜將一
萬洪酬小醉約三千而今而後誰同趣馬策西
川只
惘然

盧世濬字德水茂之孫生九歲而孤哀毀如成
人事母及兄姊以孝友聞中天啟乙丑進士授
戶部主事乞侍養歸服闋補禮部改御史僉漕

運時久旱河竭盜賊縱橫條議上聞皆中肯綮
報竣移疾趣歸京師之變世濬與其鄉人擒斬
偽牧倡義討賊

大清兵下山左以原官徵病不行又數年卒於家雅
好賦詩最慕少陵嘗卽家爲亭祀之架上有書
萬卷與客飲醉輒墮然自放託意於阮嗣宗陶
淵明王無功之流未卒十年前卽爲棺槨掃除
墓地自稱爲南村病叟有文集若干卷行世
王都號介清先文登縣人徙德州左衛以進士

初選元城後補滑縣元劇而滑腴公馭劇以靜
處腴不脂縣人尸祝之能辨吏事老猾積蠹聞
名嚙指擒平巨盜斷毀賭具治獄平反其於輕
重出入深致意焉公孤立行一意不事要津行
取擬南臺蒙上御筆簡拔禮科給事中陞工科
都給事中太常寺卿卒於京所著有法戒編棠
棣客問朱子漫錄順治六年崇祀鄉賢

呂恂字信吾德州衛人萬曆壬子科舉人以麟
經冠本房為人天性聰穎篤志好學讀書期於

明理所著有春秋大義四書蒙引諸書平生交
友以道義相規與李泰雲稱莫逆一時咸推二
先生皆有道者也四上公車墨義每為主司所
賞因策論多憂時憤世語未得一第士君子深
惜之

郝勸善字同吾州人天啟辛酉科舉人初補博
士弟子郡侯馬明瑞見其文奇之欲延為其子
友三聘不至更推重焉後舉於鄉遠居東村足
跡不履城市家有茅屋數間課子會文日遠近

生儒成集見有善作文者其心好之不啻口出生平不置產陵縣楊君起田有別業直千金以二百金售之且寬其償期而實贈貽也拒之不納五上公車不第時鄉薦本房座主已拜相勸令就仕遜謝不出一生澹然無欲天性孝友鄉黨愛敬之

趙州牧字起潛爲人剛正淳實居河西之五里莊日策蹇至西郭授經夕反村中寒暑不輟嘗夜歸有盜出叢薄間見州牧皆慚懷詭云運

先生控驢至村口跳去以明經爲日照縣教諭所造就多名士云長孫景星崇禎丙子舉人

大清順治初署武邑縣事有撫盜功除大名府通判治順聖管宣府南路事平賦勸輸課爲上谷最卒之日行李蕭然次孫其星順治辛丑進士黃州府推官改汾陽知縣

程泰字伯來紹之次子天啟改元恩貢崇禎甲戌入中書修熹宗實錄壬午書成次年授建昌府通判出都而難作感憤成疾家居久之遂

不起秦性篤孝隨父侍郎之官邸事無巨細多以委之尤諳于國家典故豁達好施不問家人生產有遺詩一卷藏於家

陳希夔字大章州人天啟元年恩貢初授邯鄲丞曰丞何負於人哉聿修厥職不敢效崔斯立吟哦松下也以臺薦陞沁源知縣沁民素悍縣吏每以苛政吹索之率逃亡虧賦希夔單騎下鄉先問疾苦然後勸之使輸不取耗金民咸感激歲賦以完政聲大著居二年以忤上官意

袖而歸爲人沉靜寬平飲酒讀書陶陶陽陽人以此愛之次子鍾英

大清順治辛卯科舉人儀觀甚美博學能詩與其兄懋英終身同爨人稱一門孝友其接人應物雖農夫賈豎與講均禮跡其生平無一瑕可指年四十三而卒鄉党惜之

葛汝禮字會夫萬曆甲寅歲貢授金鄉訓導陞文登教諭教人以修德立行爲本年七十八卒於任諸生皆衣縞素爭相助賻又呈請撫院俾旅櫬得馳駟以歸

劉嘉胤字繩懿別號象山州人父蒙亨早逝生母張氏懷

姬未婉。越三月嘉胤生。嫡母徐氏與張氏乃傾囊出其先世積財暨田宅分給族眾。樹墻塞門長齋食粗糲以謹護其子。事見貞烈傳。嘉胤生而穎異。弱冠領萬曆己酉賢書。事兩貞母備極色養。以孝聞。年逾五旬兩母相繼而歿。哀毀骨立。襄事畢遂以疾卒。為人端方醇正。動必循禮。燕居亦不苟。接待賓客。即後生兒童輩盛暑必正衣冠相見。敦睦族黨。內外無間。言與李泰雲先生同時。事事取法。步亦步趨。亦趨。為莫逆交。在孝廉中聲稱藉甚。數上公車。辛未。已為主司取中。因經義誤犯御諱。竟阨於一第。士惜之。

朝先賢四人

李允禎字貞甫。德州衛人。父嗣美字胤方。增生。天性曠達。真誠坦易。以省試受知於郡伯文公。受褫拔居第一。嘗以未得登賢書為憾。贈奉政大夫工部營繕司員外。允禎中

癸酉科舉人

國初除故城令。廉潔持已。慈惠撫民。迄今頌其遺愛。調豐縣令。邑故健訟。下車即力鋤。訟師發奸。摘伏如神。人皆畏服。肅然稱治。會黃河決。需柳梢數十萬。使者督趨。旁午允禎乃親自行野。量多寡。遠近俾以次輸。河干而予其車牛芻

秣民不擾而事辦攝碭山篆有平盜功歷陞工部主事督
 清江船廠釐剔振刷諸弊一清課士於清江書院而人文
 蔚起時淮揚歲饑道殣相望捐俸煮粥哺之全活甚衆淮
 人建祀勒銘祀焉晉屯田司郎中遷廣西左江兵備以疾
 乞歸爲人沉靜端慤動必準禮內介外和與世無忤鄉閭
 欽其德望卒年六十三康熙元年崇祀鄉賢子浹中順治
 丙戌進士濤潤英敏好學文望甚籍識者器之

蕭時亨字天衢別號會寰原籍遼東鐵嶺衛人幼儻尚
 氣節年十五襲指揮僉事守三岔威遠二堡恩威兼濟

士戴之明天啓間寄箴德州衛遂家焉

皇清定鼎人有勸之仕者公恬淡自甘杜門不出日惟課子讀
 書有萬石家風季子惟豫冲齡登第以翰林院侍讀歷秉
 文衡嘗書公明慎三字以勗之公爲人誠信撝謙動必以
 禮迨受

賜封不尚華飾不乘肩輿樸素如平時性尤慈仁好施周急振
 乏傾囊不恤士君子推重之年登八十二卒

田緒宗字衍文別號蓼菴父實栗州庠生家貧授徒教育
 誠篤每鷄鳴焚香告天有古清獻風緒宗其仲子也幼穎

悟性復端嚴言行不苟執經問業者履滿於戶中順治壬辰科進士授麗水令清儉仁愛民間有邑侯清鷄犬寧邑侯廉婦守安之謠年四十有六卒於官百姓悲之如喪考妣子三人慶辛丑進士見任戶部主事需丙午舉人霖庠生子孫繩繩世德之報正未有艾云

程先貞字正夫別號蕙庵左衛人用祖蔭歷官至工部營繕司員外郎順治二年告病歸為人志行端慤舉止安雅有古君子風善詩歌古文辭家居二十年杜門簡出以詩酒自娛未嘗預外事每同人燕集慨然以扶風教崇儉樸用

敦勉至里中節義之事惜其遺軼採訪最確于自楷錄或傳或詩各彙成帙而州乘一書皆其編輯垂成而卒年六十有七是歲預製一棺題曰休息齋賦詩二章有百年恍惚渾疑夢萬事紛紜已到頭之句所著有燕山遊稿還山春事十五臣詩蕙庵詩艸蕙庵詩窺園百一詩集百二詩集共十數卷子二彥頤彥穎皆彬雅能文克世其家云 州人趙其星補

附輓詩 淮南張詔詩幾載相招欲晤難登堂 恰值此秋殘三旬方訂重連榻一夕

何期遽蓋棺，休息久知身。是幻深藏轉，覺境
 為寬新。詩輯授如先，兆涕泗交橫。為再刊
 州人蕭惟豫詩，其一廿載歸林卧，怡情酒一
 壺。文章師後學，語默契先儒。雲氣收山麓，星
 光散海隅。翩翩乘鶴去，今古總須臾。其二論
 文絕幾日，別後竟長眠。金谷哀詩伯，瓊樓返
 謫仙。黃泉歸有舍，白雪和無篇。空作招魂賦，
 臨風泪潸然。李源詩，其一還山相伴幾經
 年，揮淚於今自問天。一樹瑤琴懸夜月，九京
 玉樹鎖寒烟。開函筆楮痕猶濕，黏壁詩箋墨
 尚鮮。尊酒論文難再得，招魂楚些總徒然。其
 二望見靈惟意更悲，音容如在憶鬚眉。十年
 風雨長通問，一日幽明永別離。地下修文尋
 故舊，人間作記少親知。傷情空對孤庭月，淚
 濕衣衫只自垂。趙其星詩，其一霜寒漏永
 向三更，痛哭臨岐送爾行。酒社蕭條餘舊侶，
 詩篇慘淡憶平生。雲開華表無歸雀，月落空
 波有馭鯨。此後音書何處寄，蒼茫不盡古今情。

情其二苦憶交情轉，自悲匠斤削。聖復何時
 榻前執手言，猶在座上談心事。已移聞道從
 來輕，夕死修文早自定。前知含毫研淚為君
 傳，擬共先賢百世垂。羅夢梅詩，其一初聞
 抱病卽疑思，恐是公騎箕尾時。曠世才名今
 已矣，千秋風韻竟安之。闕為泣把迴腸久，反
 悞重生永訣遲。飄渺一靈應聽得，哀哀清淚
 寫新詩。其二自作息齋壽器成，題詩兩首異
 平生。病軀似怯登仙路，綵筆偏宜賦帝京。慘
 澹日斜人影亂，淒涼月上旅魂清。羊曇痛哭
 西州去，地久天長遺後情。王運昌詩，杖履
 追隨二十秋，何期一旦遽仙遊。延津龍化風
 雲暗，華表鶴飛夜月愁。契濶空餘千古恨，交
 歡難向九原求。招魂賦罷增惆悵，坐對靈帷
 涕泗流。

孝子十六人

明張泰少孤事母甚孝母病思食蘑菇遍求不得
忽夜于園池中出百餘莖取以奉母病卽愈母
亡泰哀毀踰禮葬于西河負土築墳廬于墓側
有雙鳩巢于上正統間旌表

尹綸御史禧子禧卒于京綸扶柩歸葬于城南
廬墓三年又于墓前築臺人呼爲孝子臺有鳥
鴉白兔馴擾之天順間旌表

李珊字良玉州庠生母死未葬隣家失火珊抱

棺呼天而泣火不延及鄉人異之既葬負土成墳廬墓三年鬼育生鶴來巢掘地得泉盜者夜行過墓側相謂曰休驚動李孝子嘉靖十三年巡按御史郭圻奏聞不報已上唐志

陶良德少孤家貧織馬尾羅養母食必跪進及卒哀毀骨立於塋處掘坎以居里人代築小室苦乏水夢神人示之室旁忽湧甘泉三年後復居三月然後歸撫按表其門

顧沐家貧傭賃供父母父卒無棺號泣徹日夜值雨停父處水浸因掘地取土障濕得金一錠遂買棺歛父人以為孝感院道表其門

李峨以貢後博學友父母早卒事兄嫂如父母兄病禱真武願以身代是夜兄夢黑衣神治療尋愈上諸孫俱成立里人稱為高岡先生

朱之龍庠生早喪母事繼母李氏委曲承順能以色養友愛異鄉弟其篤表其門已上安志

岐字鳩崗德州衛人父病岐侍湯藥必親嘗
 衣不解帶見父在憂色岐曰太人以幼弟為念
 請勿憂思上齊與之相均也父忻然日能如
 是吾瞑目矣父卒撫弟恩義兼至同爨五十年
 岐增產數倍事均公之

李蘭字德馨別號衛泉世為商河人家貧以藝
 之德州遂家焉貲少走入市田供
 伏臘而歲時上衣
 竭力之事矣兩池人爭孝之至萬曆癸酉子

自老卒年八十閣輔朱延禧為作誌傳孫誠明
 舉人自有傳姪孫讚明曾孫源俱進士

何繼宗字少津少孤事祖母及母以孝聞撫弟顯宗
 讀書成名性豪俠善貨殖家累千金周濟貧困有以
 官贖鬻女者繼宗憐之立捐數十金其行事太率顯
 此弟顯宗中萬曆甲戌進士仕至工部郎見鄉賢

魏璠左衛庠生父君諱明崇禎間任永平府同知值兵
 變璠冒死入圍以計召父而歸卒免於難鄉黨稱孝焉

大清趙胤才州人清吏准六世孫家貧竭力事親少

豐與兄弟同居無間言嘗病危見神謂曰爾有厚德當生果甦人以為孝友之報州守表其門王夢卜字惠寰德州左衛人少孤貧拮据其旨以供母母病朝夕左右嘗湯藥躬浣厠踰者數載及執母喪哀毀骨立祭葬盡禮鄉里稱孝後仕湖廣德安府經歷卒年八十六

韓育英字仰淮其先淮安人以醫家德州少孤家貧棄儒業以醫名家治症得古法所在稱神弟姪婚娶視其子食皆累下五十餘載孝友如

一日康熙九年申請旌表

王顯吾德州人居城東八十里王雀珠生母早孀守節撫顯吾畢婚娶里中博徒誘之母請父墳痛哭顯吾悔悟斷指自誓及母終廬墓五十年州守孫公應龍旌表其門曰孝子

潘龍家貧無妻傭工養親三十餘年不憊預知死日辭親戚輒自穿壙至期拜辭父母而逝

貞烈四十七人

元呂彥能陵州人至正十八年賊犯陵州彥能謀

避之其姊孀居彥能家曰我喪夫無子何用生
爲苟辱身不如死遂投井中其妻劉氏語彥能
曰自爲君家婦二十八年不幸逢亂離豈敢負
君妾入井矣君可自往彥能二女及子婦王氏
二女孫相隨入井一門死者七人 元史
明李氏楊淮妻年十八淮卒子甫二歲李誓天守
節舅姑欲奪其志李罄絕而後懸者三遂聽之
家貧拾禾養老撫孤備極慈孝卒年八十永樂
間巡按御史表其門

潘女字劉某未適劉卒女飲泣奔喪兄挽之
可劉家貧無以斂出簪珥斂之以歸終身不嫁
以女紅自給十年而終

吳氏陳瑀妻嫁歲餘瑀卒遺腹子恕撫養成立
正統間旌表

周氏王敏妻夫卒自縊正統十年旌表

馬氏李某妻正德六年遇賊死節

蕭氏劉聰妻正德六年遇賊死節

魯氏姜淳妻年十九淳卒子禧生甫六月以死

自誓事姑數年曲盡孝養姑卒殯葬如禮禧以
歲貢授江西布政司經歷嘉靖間旌表

曾氏生員代之女御史清女孫讀書通曉六義
適張宗禮禮卒掃跡孀居事舅姑甚恭寒暑不
懈撫院表其門

馬氏楊俊妻年二十五夫亡一女未亂踰四月
生子隆時家貧竭女紅以養姑終葬以禮撫育
孤穉艱辛備至女適王氏生子本本早孤歸養
于馬氏甥女適滿氏生子安安又早孤亦歸養

于馬氏馬氏卹二孤如已子里人稱之

陳氏刑部郎中誼之女適世襲千戶党恭生男
玘方四歲恭卒陳苦節課子玘長繼職居官有
聲

項氏德州左衛百戶吳景榮妻景榮卒項年三
十一號哭不絕水漿不入口者三日遂卒與景
榮並柩而出藁葬城北鄉人稱其烈焉

陳氏千戶陳寶女適千戶韓璽次子夫死三日
不食及蓋棺遂死于殯側衛官上其事撫按俱

遣祭吊 已上唐志

王氏生員王會禮女生員韓承業妻事詳仙釋
王氏王彥女適何文卿生子大清而文卿卒王
年二十四矢不再適族豪百計侵轢欲奪其志
氏砥節撫孤并庶孤俱至成立年六十九以節
終旌表

鄭氏鄭思孝女十八歲適何大清郎文卿子生
子顯宗甫二歲大清卒鄭一慟幾絕不食者五
日姑再三勸慰乃食其貧事姑姑病癱代爲

箸櫛緹夜以身負爲溲溺及卒殯葬盡禮教子
顯宗成進士旌表

謝氏御史廷策女通女範內則諸書十八歲適
郡庠生周光烈事翁姑至孝光烈卒大慟曰周
生俟我迺整衣辭姑及母屏漿絕粒誓以身殉

母與兄陞勸諭之仍觸階求死越五日而卒旌

表建祠 李誠明吊謝貞烈詩我所憶今在昔年

每同阿父共翩翩忽傳帷內產蘭英啼
處纔聽三兩聲清越不同凡女氣爭誇眉宇帶
剛毅無何隨父到山西又見蘭臺烏鳥棲家訓
無非正直事胸中已識從夫字父服豸繡氣凌
空女向粧亭志欲冲遂解人生惟一死死忠死

孝傳青史自從母命到夫家椎布操作無紛華
 日日勸夫勤勉學恐夫不得露頭角一時妖夢
 洩前因幾度縈迴念此身想到百年終是幻古
 人烈行今猶見夫身未病心先動解識人間摠
 若夢條爾葉碩果逝亡裂天崩地成悲痛憑棺
 躡踴動人情聞者含酸淚亦傾只為青年無亂
 嗣惟知節重此身輕三朝絕粒不曾食慈母耳
 邊常唧唧云誓終身亦可風貞心何必如斯亟
 阿姑淚眼渾無措已苦無兒幸有婦恐婦初言
 不改移往來好語相調護婦言即孝不兼全語
 未成聲先哽咽惟道兒心久已定不關此日志
 方堅忽然五日香雲落母夢階前似拜訴恍惚
 夢裏哭幾聲醒時聞得芳魂什人道幽德通神
 明我想當年侍御兄慷慨懷忠原不死女今義
 烈已無生世間多少奇男子那得心腸似爾爾
 靈粹青寒飛白雪方知謝氏存忠節君不見梁
 高行授刀割鼻心何勁又不見楚貞姬守墓那
 金鄰亦奇徒有冰操不計年何如攜手聽啼腸

史氏德州衛官籍劉傑妻夫亡號慟不食誓以
 身殉念二孤忍死守節田為勢家所奪艱難脩
 裳紡績課子長男邦佐乙卯舉于鄉壽至八十
 終學使者於其門

徐氏生員劉宗亨妻張氏年俱十九夫卒號
 慟不食誓以死殉張有遺腹從勸復食越三月
 生子嘉胤徐張不踰外閭留小閨以通薪水茹
 淡焚修躬自訓子嘉胤領鄉書張先卒徐壽幾
 七十奉 旨建坊皆以旌其門

吳氏用就妻年二十二亂卒矢志守節自毀其
面終養兩世舅姑塋祭皆盡禮壽八十院道旌
其門

吳氏廩生周相妻年二十夫卒紡績撫孤子行
長爲郡廩生壽八十有七本州申請表揚

已上
安志

大清梁氏處士趙養泰妻年二十七夫亡守節辛勤

訓子績紡佐讀每至半夜長子景星以舉人官

通判次子其星以進士官知縣

季子台星生員
院道皆表其門

見年八十五

劉氏州人鄒塽妻年十八適塽五日而塽卒劉

誓志守節遺腹生子文炳劉女工勤勞敬事公

姑教養孤穉壽八十有六

張氏庠生張鷓翼女儒士陳懋醇妻歸三載而

懋醇卒時張年有十九遺腹素婉有欲奪其志

者誓死不從生子會極茹苦織紉教訓成名會

極由恩貢授景寧知縣屢經院道旌表其門見

年七十九

劉氏何繼宗之側室庠生何真之生母以孝事

姑以勤治家年二十六守節壽至九十有六州
守倪公綿祖顏其門曰貞壽維風濟南府通判
薛公爾賓贈顏曰惟貞乃壽

劉氏庠生劉三傑女庠生王朝鸞妻歸七年而
朝鼎卒劉年二十有四孝事姑姑病焚香禱祝
願以身代不逾旬而姑愈初劉未嫁時母遺幼
妹姑歿遺幼叔皆不辭勤勞以撫育之守節五
十三年

王氏何文卿側室生子大洪年十八守節終身

謝氏庠生謝君前女儒士任明翰妻年十九歸
明翰未三月而明翰卒謝號痛不食欲以死殉
以舅姑在堂孤子襁褓強之復食盡孝撫孤三
十五年康熙十二年四月內 題請

准建坊表

邢氏袁恩封妻年二十恩封卒生二女無子邢
守節五十二年

金氏廩生張胤泰妻泰下第憤鬱病死時金年
二十有七不食求死勉從姑勸少進水漿七日

語人曰夜夢張郎召我業已許之恐不得終事
舅姑卒之日從容曰吾事完矣

康氏處七梁國標妻標故標有幼弟一歲失恃
康乳哺襁褓珍愛有加家素貧八口待哺康拮
据辛苦績紡教子長子廷珠中辛卯科舉人蘊
錦亦游泮

羅氏庠生何覺妻自明末北遊不返羅年二十
九子允掄甫三月冰蘖自矢孝事孀姑教子成
立迄今三十四年壽六十餘歲

郭氏宋之龍妻年二十九夫故苦志守節去茹
撫孤今五十二歲

陳氏庠生鄒騏生妻年二十夫故遺孤襁褓家
貧陳躬勤女工養姑訓子歷盡艱苦其子維乾
入郡庠院道府州均表其門

顧氏州庠生顧熠女州庠生李誠明妻年二十
九夫故五日不食因子深方十歲幼子濬尚在
襁褓勉起撫育後數年其子濬殤深亦未及四
十即卒顧煢煢孀居撫孤孫成立苦節四十餘

年今行年七十有二

李氏貢生李枝盛女州庠生劉日燦妻年二十

五夫故舅姑在堂茹苦食貧竭奉甘旨代夫作

子克盡孝道撫二子夢祥兆祥成立有聲庠序

守節四十年今行年七十武德道錢公光泰州

守劉君國禎扁表其門

呂氏陳復顯妻年十八夫故呂苦志守節康熙七

年奉

旨賜銀建坊

吳氏教授吳之茂女庠生程晉妻晉亡年十八

子女俱無戶不出閫苦守四十餘年年六十七

歲卒院道皆表其門

俞氏德州衛庠生俞維藩女庠生呂燮妻年二

十六夫故痛哭幾絕因翁姑垂老子方在襁褓

乃毀形自立勉強就食三載內翁姑相繼而亡

葬祭竭力盡禮撫育幼子成立守節三十餘年

今行年六十歲

王氏德州庠生王暢女德州左衛湯德勝妻年二

卷之八
十一歲夫故誓欲殉夫其姑並親勸解乃止生子二俱年幼撫育成立孝事翁姑鄉閭推爲節孝今行年六十二歲

仙

王道人無名人呼爲王四本州人幼跛倚雙踊而行娶妻魏氏伉儷數年忽出家爲道士雲遊不知去向魏氏隨亦出家爲女冠闔二十餘年州人有見四于武當山中者蓬頭赤足容貌如舊崇禎初又有州人見四于栢鄉王叅將家中

四久不盥面亦無塵垢轉白皙有少容聞其初至時叅將患癱疾四教之導養術癩遂已敬禮之四飲食不恒或日不食或食兼數人食時輒日接氣接氣食旣汗出如雨已而瞑然所居士室中一衾一竈外別無長物時有陳道人曉吐納之術謂人曰此子捉住性命不死矣四見州人問其母尚在否不問其妻後竟不知所終

釋

太空和尚州人住河西五里觀音庵中少年時

碌碌僧衆中汲水焚香而已中歲走五臺參禪
 因忽然有悟精修戒行叅會禪理時舉般若秘
 義示人人不解也順治四年十二月除日扶錫
 至城訪居士趙仲啟時仲啟從其兄遊宦山西
 師語其家人曰吾將西歸託以後事悵然而返
 元旦雨雪雪霽村民見庵前無行跡啟戶視之
 師趺坐于禪床之上貌如生懷中挾錫圓寂久
 矣鼻中玉筋雙垂至地僧衆數百人瞻禮讚頌
 不絕仲啟母梁安人施棺並地命家人收瘞之

王氏生員王會禮女生員韓承業妻承業卒壬
 時年二十聞夫發引號泣不食欲殉夫葬姻戚
 勸之復餐齋素奉佛萬曆四十八年五月初三
 日於子夜蓆地跌坐以三昧火自焚題准建祠
 于州之南門內扁曰火蓮真君

李誠明過王貞烈焚身祠有感

詩當日祠成自帝綸而今頽壁亂飛塵碑傳三
 昧成佛果人道千迥是聖因解識常存惟有志
 信知不壞乃無身廣川城畔清風發猶見煙霞
 火欲燐程先貞火蓮行陵州有節婦阿桂身
 姓王厥父名會禮髫年訓義方出嫁韓承業青
 衿白面郎伉儷如膠漆自比雙鴛鴦刺繡春宵
 煖辟纈秋夜涼井日躬操作顏色奉姑嫜名滿
 鄰人口賢哉窈窕娘承業向彌留手自撫靈柩

好往不須怖死者實寧康平生託寸心賤妾敢
 遺忘不久即追晤與君相扶將既暝一長慟七
 日絕水漿阿母勸之食未忍負高堂終不御盞
 醯朝夕惟淡湯開我東閣倒篋復傾筐珍珠
 雜翡翠羅列錦雲裳分賜諸妯娌庶幾永相望
 依依守素旒三餐薦旨香卻畧再拜跪齊眉進
 酒觴啟心佛位下喃喃達五更或憫其愁苦或
 笑其癡狂夫人都不知塞耳去洋洋荏苒日復
 并朽骨宜歸藏計期已迫促夜起辦嚴裝竹叙
 麻作履斬衰稱體量懷探尺素書實在案中央
 款題曰守志斐然成篇章明鏡壓其上雙珠小
 兩傍出至室東隅露地承天光藉用舊蘆席跌
 坐委經纒揮手謝家人不得作驚惶屏氣靜踈
 之頃史烈火張自頂下及踵紅雲映寶粧體如
 玉玲瓏較比金鐵剛小院滿氤氳煙焰殊復芳
 衣服既淨盡蘆席乃不傷相界若蓮花又若觸
 琳瑯觀者千萬眾稠疊成堵牆太守從南來五
 馬立傍徨亦有衛司馬身肅豎旌槍低頭各嘆

息匍匐救其密火蓮席卜土爭收療災歿士到
 病即愈此窟如池塘乃翁韓紳氏收骨入幽房
 雙椽遂齊發合葬城東岡神宗戊子歲距今八
 十霜閒從好事者鄒架理縹緲得其手書讀纒
 灑萬言長非偈亦非詩叙次頗周詳大抵謂吾
 心出入本何常一獲即湏鎖不可使之颺幸無
 兒女累年已三十強信為萬行母聊用挽頽綱
 斯言類有道敢不拜其昌人生娶此妻何必貴
 姬姜高冢今猶在連理樹成行魂兮風雨夜髣
 髴歸故鄉趙其星題火蓮行志感詩相舟作賦
 誓捐身泰透無生見性真烈志煉成三昧火貞
 軀解脫六根塵爐烟縹緲餘芳在碑記輝煌大
 節新自是綱常千古
 重縱歸佛教也同倫

葉女其父母賣傭食力目不識丁而女極靈慧
 能讀書都雅有儀每聞媒妁言必峻拒之年十

七一日洗沐更服禮其父母若作別狀乃正襟
 危坐手結三昧即跌跏而化有異香七日始蓋
 棺而香不散鄉隣觀者肩摩踵接莫不以爲異
 明萬曆四十六年五月十三日蓋午年午月午
 日午時也李誠明葉女傳葉女者其家俱奉佛
 而亦奉佛未奇也居常屏息跌坐忽
 無恙于今五月十三日蓋萬曆丙午歲也早具
 洗沐更服禮其父母若相別狀有頃正襟危坐
 問其母曰何時母對以午未解其開之意也母
 無何入室見其儼然踟躕手結三昧即以爲生
 也覺有異香忽爾心動叩之語候其息始知其
 化矣乃不勝大痛鄉隣聚觀肩摩踵接莫不以
 爲生蓋其顏色明潤若含笑而無所謂玉柱
 者至七口才蓋棺而異香猶若初涅槃時是其

幻化者乎邾聞道者乎夫幻則不可爲實也如
 巫姬髻媪憑身狐祥寄行鬼厲又有耽思迷心
 忽忽喪魄真真消魂此幻之不可爲世有者若
 其洗沐更衣禮別父母從容都雅有儀有度不
 惟恐怖不形于色邾且去住不設于心其平日
 所言據所傳聞皆倚附至理若讀聖賢書者又
 復童心未琢塵緣未染每聞媒妁必正色峻拒
 以爲願事父母報其劬勞耳何以家爲是可爲
 幻乎蓋必聞道者矣夫道則確然可據之實理
 也。不生不滅不成不毀貫于生死徹于夢覺無
 古今終始而常如是者聖人所謂夕死即佛氏
 之所謂無生以道不聞于死即死亦生也此女
 之視生如寄視死如歸也乎雖未證上果必不
 墮落輪迴種子矣不然洗沐之前必知其死何
 時之問必有以主張其死有以能死必有以能
 生而忻然不知有死豈坦然求所以生是必聞
 其所以無死者乃順適所以無生之境矣儻不
 聞道無論女子世之百計經營無非爲生早夜

圖維無非畏死。平居慕義，或多慷慨。一臨死所，柔情弱志，涕泗交流。是以大節則逃，大難則避。僥倖一朝，恐懼交集。至于桑榆已迫，駒隙難遲。猶留連顧盼，情不忍割。曾未知尻輪神馬，鼠肝蟲臂，而彭為天殤，為壽也。何況于女之芳齡，而解脫若是乎。然道不易聞也。塵世紛紛，誰為覺者。且其家賣傭食力，目不識丁。何所謂淵源耶。無亦女之慧穎，得乎天縱，而元心獨詣，真性自澄。因其日用，洞乎自然。見支而會本，緣波而至源。一旦大悟，遂得其無生無死之道乎。是則不可淪沒者。柰其家貧無葬地，瘞于舊太守宋公所捨漏澤園中。余欲樹其墓，櫛且刻石表之，以力未能。特為數言紀之，亦庶乎此女之不死耳。

程先貞端于行。葉氏小家女，住在德米涯。父乃賣菜傭母，亦頗愚樵。為人泮泮，統三爨止舖糜。獨養此幼穉，進退有容儀。把書能識字，大義未嘗疑。種種經其目，不學而自知。但苦惡媒妁，峻拒必嚴辭。父母或勉慰，每每致參差。問女年幾

何昨歲已及笄，烏雲委地長金蓮。行倭遲，口如櫻桃果，腰如楊柳枝。臉際若芙蓉，遠山若其眉。曼聯起層波，細語聞清吹。窈窕豔城郭，見者夢魂迷。朱門大公子，白馬沿游兒。或作尚書郎，蕊榜掄高魁。殷勤託蹇修，珍重懷私青雀白鴿。麻絡繹比雲霓，金車玉作流蘇。四面翠齋錢，三百萬皆用青絲。縻雜絲三百端，明珠價不貲。願為比翼鳥，百歲以為期。阿母謝蹇修，君可自謂之。我願不敢請，此子性嬌癡。蹇修謂阿女慎，勿失此機。阿女拜端肅，薄嗔更有姿。上言父母老，罔極多恩慈。下言乘陋質，金屋非所宜。未用作新婦，為夫結悅。襦不然見逼，迫舉身赴河。溜蹇修低頭去，諾諾復咨咨。阿女在窻下，父母賴維持。左手以刺繡，右手以縫衣。朝織一匹，棉暮織一匹，絲雙親。但坐食家，乃有餘資。秋蛩聒夜雨，春樹鳴黃鸝。獨舞亦獨歌，融融而怡怡。時或望天際，煙霞生遠思。其日凌晨起，梳洗攝華裾。作禮向父母，若將有別離。父母以為戲，莞爾任

所爲頻頻。影酌量暑刻移。翻然歸所。榻闔
戶下簾。闔跌脚。西向坐。精魂騎尾箕。阿母忽心
動。入室捧其頤。始覺其已化。大慟聲號。悲隣里
暗。來觀繞屋。壞垣籬。手結三昧印。周正不傾。歌
玉體猶溫。軟香氣勝蘭芝。厥維萬曆末。四十有
六。期仲夏日十三。榴火正蕪蕪。午年當午。月午
日。又午時。人皆嘆其異。輿理渾難窺。將無得道
者。僭向逆旅。羈見首不見尾。游戲表神奇。我欲
竟此曲。此曲何委蛇。落月滿屋梁。顏色恍在茲。
趙其星題。葉女傳詩。娟娟玉貌。本天真。閨閣深
藏。絕世姻。自戀椿萱存。白髮肯隨桃柳鬪。青春
澄心久。證無生果。滅性常留不垢身。梓里郎今
明月夜。疑聞
雀喚下。遙津

論口申甫鍾嵩山之瑞人。以地靈翼猷表王
國之楨。地由人重。矧德州之建置。立易披圖

莫辨其基。惟人傑之德業可徵。考古因誌其
地。是以摹碑文而知姓氏。惟漢代之一人。啟

版籍而溯源流。乃平原之多士。劉氏弟兄競

爽異世雙貞。山賓朝野兼推。千秋獨步。雖以

南北干戈之世。不乏節義捐遜之儒。迨至貞

觀。耑取批鱗之彥。洎乎大曆。乃黜逆耳之言。

閱歷代之之分爭。歸汴京之致治。開科取士

儒臣畧著于城。體國懷民。文吏明能折獄。代

分南北。世接完顏。錄俊傑于元朝。僅存碩果。

採菁莪于明代。類產奇材。事功與經濟交輝。氣節將文章並著。或績茂循良。無愧一方父母。或才堪繁劇。允稱千里藩垣。乃有耻貢諛之風。不進祥符寶篆。亦有全潔身之義。堅辭徵辟。冰山若夫行匹彥。方崔苻知愧。文高遷史。琬琰生光。以至淚洒湖天。討賊而舉同仇之義。血凝帝里。瀆身而盡報國之忠。凡皆前代之英才。幸際昌朝之名世。勛名赫奕。升

一 德州志 卷之六 詩酒徜徉伏處見烟霞之侶 孝成

風木不必盡起于膠庠。節矢冰霜固已當興于閨閣。珠含玉韞。羨靈秀于山淵。仁漸義摩。感栽培于教化。至于黃冠證道。緇袖超凡。火煉韓娥。蟬蛻葉女。業已見聞于閭里。何妨紀載于篇章。庶供鄴架之收羅。且備 軒軒之覽觀云爾。

德州志
卷之六



三



